

Naa dithakadu ke diphoofolo tša nnete?

Mongwadi ke Lesley Beake | Diswantšho ka Tamsin Hinrichsen



Nako ya sekolo e fedile. Ke nako ya go ya gae.

Samuel le Maryanne ba a sepela, ba a sepela.

“Naa dithakadu ke diphoofolo tša nnete?”

Samuel a botšiša Maryanne.

“Ee.”

“Ke ditšhošane?”

“Aowa.”

“Ke dibera?”

“Aowa.”

Bana ba a sepela, ba a sepela.

“Dibera?”

“Ee.”

“Di na le maatla?”

“Ee.”


Bana ba a sepela, ba a sepela.

“Di tla re ja?”

“Aowa.”

“Di ja eng?”

“Ditšhošane.”



Bana ba a sepela, ba a sepela.

“Dithakadu di dula mehlareng?”

“Aowa.”

“Dithakadu di fofa bjalo ka dinonyana?”

“Aowa.”

Bana ba a sepela, ba a sepela.

“Dithakadu di dula le batho?”

“Aowa.”

“Dithakadu di rata mamapo?”

“Aowa.”

Maryanne o a ema. Samuel o a ema, efela e
sego ka bjako ka go lekanela. O ile a gata Maryanne.
O lebelelega a befetšwe.

“Dithakadu ...”

Maryanne a emiša seatla

“TLOGELA GO BOTŠIŠA DIPOTŠIŠO!”

“Efela ...”

“EMA!”

Maryanne a bontšha Samuel moago
o monnyane. Go na le leswao moagong.

BOKGOBAPUKU.

Samuel a lebelela Maryanne.

“Ba tseba ka ga dithakadu ka mola?”

“Ee.”

Samuel a lebelela bokgobapuku.

“Nka tsena?”

“Ee.”

Samuel o ile a tsena. Bokgobapuku bo tletše dipuku.
Ke dipuku tše makgolokgolo. Mo gongwe go na le
dipuku tše diketekete. Samuel o tlo hwetša puku ya go
bolela ka dithakadu bjang?

“Ee?” a realo monna wa go loka.

“Le na le puku ya go bolela ka dithakadu?”


Rabokgobapuku o ile a myemyela.

“Ee.”



Monna wa go loka o ile a tliša puku. Samuel o dutše
tafoleng a e lebelela.

- Dithakadu ke tše dikgolo – go feta dimpša tše dintši.
- Dithakadu di ja ditšhošane le dikhunkhwane tše dingwe.
- Dithakadu di dira magae ka tlase ga mobu.
- Dithakadu di kgona go epa.
- Dithakadu di dula dinageng tša go ba le bjang tša Afrika.
- Dithakadu ga di na meno.
- Dithakadu gape di bitšwa dikolobesodi (ke kolobe ya lefase).
- Dithakadu di tšwa bošego fela.



Samuel o a nagana. Monna wa go loka o mo fothokho-phela seswantšho sa thakadu. O se fa Samuel. Samuel o sa nagana.

“Dithakadu di tšwa bošego fela,” a realo Samuel.

“Ee.”

“Re ka tseba bjang ka ga tšona?”

Monna wa go loka o ile a myemyela.

“Banyakišiši ba di bogela ka tlhokomelo. Batho ba seta dikhamera gore di tšee dinepe tša tšona bošego. Batho ba ngwala dipuku tša go re botša tšohle ka ga tšona.”

Samuel o nagana ka seo, “Efela bana ba tseba bjang ka ga dithakadu?”

“Ba botšiša dipotšišo!”

Samuel le Maryanne ba ile ba ya gae. Samuel o homotše kudu. O nagana ka dithakadu. O nagana ka tšohle tše a di tsebago ka ga tšona.

O duma go bona thakadu.



“Maryanne?” a realo.

“Ee?”

“Re ka robala llata gore re bone dithakadu? Re ka tšea thotšhe ra ya go bona ge e ba go na le dithakadu mo? Re ka hwetša ge e ba go na le melete ya dithakadu mo? Re ka dira seo? Re ka dira seo?”

“Aowa.”

Naa dithakadu ke diphoofolo tša nnete?

Mongwadi ke Lesley Beake • Diswantšho ka Tamsin Hinrichsen

Mehopolo eo le ka buang ka yona

Samuel o be a nyakana le puku ye e boelago ka dithakadu. Ke dipuku tša mohuta ofe tše o ratago go di bala?

Naa Samuel a ka ba a utollotše bjang mabapi le dithakadu? Naa gantši o hwetša tshedimošo bjang?



Go bona

Samuel o be a na le kgahlego kudu go dithakadu. Ke phoofolo efe ya lešoka yeo e lego mmamoratwa wa gago? Thala seswantšho sa yona. Ngwala leina la phoofolo ka fase ga seswantšho goba kgopela motho yo mongwe gore a go thuše go dira se.



Go bala

O ka šomiša tshedimošo ka kanegelong go ngwala lenaneo la "nnete" le "maaka" mabapi le dithakadu?



Go ngwala

Samuel o botšišitše dipotšišo tše ntši mabapi le dithakadu ka lebaka la gore a na le kgahlego ya go hwetša tshedimošo ka ga tšona. Ngwala lenaneo la dipotšišo tše seswai go fihla go tše lesome tše o nago le kgahlego ya go hwetša dikarabo tša tšona.



Go dira dilo

Šomiša letsopa goba tong ya go ralokišwa go dira thakadu.



Go bapala terama

Diragatša poledišano magareng ga Samuel le Maryanne go karolo ya kanegelo pele ba fihla bokgobapuku.

